




MEMORIA DE
ACTIVIDADES
2020

CEGASAL. Asociación Empresarial Galega de Centros Especiais de Emprego sen Ánimo de Lucro

Relación de actividades realizadas pola asociación empresarial galega de centros especiais de emprego de iniciativa social e emprendemento colectivo, CEGASAL, durante o período xaneiro a decembro de 2020



Benvido/a a esta memoria.....	5
Sobre CEGASAL.....	7
Asociados.....	12
Os nosos servizos.....	22
INFORMACION E ASESORAMENTO.....	22
INTEGRACION VERTICAL.....	23
FORMACIÓN.....	23
COLABORACION EMPRESARIAL.....	25
OUTRAS ACTIVIDADES.....	28
CANAL RESPONSABLE.....	28
ACTIVIDADES PROMOCIONAIS.....	29
Rede cegasal inclúe.....	32
Actividades a Prol da Economía Social.....	33
O foco na sostibilidade.....	35
RELACIÓN COS NOSOS GRUPOS DE INTERESE.....	35
O noso modelo de gobernanza.....	40
GOBERNO CORPORATIVO.....	40
EQUIPO TÉCNICO.....	42
Dossier de prensa.....	44



I. Benvido/a a esta memoria

A integración das persoas con discapacidade no mercado laboral é un dos principais obxectivos das políticas de emprego, sendo prioritario o seu acceso ao mercado laboral ordinario, realizando accións que actúen contra os problemas de discriminación, a eliminación de barreiras de entrada e polo incentivo e sensibilización do empresariado.

Máis existe un espazo propio denominado emprego protexido, no que o papel dos centros especiais de emprego é imprescindible, para xerar oportunidades laborais a persoas con discapacidade que non acceden ao mercado laboral, xerar oportunidades de tránsito e profesionalización e desenvolvemento de capacidades, e permitir o dereito ao traballo dun gran número de profesionais.


Ditos espazos son a día de hoxe un motor de emprego, riqueza e crecemento sostible, representativo da economía social que debe ser potenciado e profesionalizado, así como apoiado por organizacións creadas para representar e defender estas iniciativas.

Sendo Galicia unha das comunidades autónomas que apostan por un emprego protexido de calidade e diferenciado, ao distinguir aos centros especiais de emprego de iniciativa social no seu rexistro, é necesario que as organizacións creadas polas citadas iniciativas ocupen parte das súas actividades a poñer en valor os principios, valores e modos de traballar das mesmas.

Un ano máis, Cegasal, consciente das dificultades que atravesan as iniciativas asociadas, apostou por continuar ao seu lado, priorizando aspectos que xeran entornos máis favorables para os centros especiais de emprego de iniciativa social e emprendemento colectivo, tanto nos aspectos comerciais, como institucionais, comunicativos e promocionais.

Durante o 2020, a crise derivada da COVID-19 golpeou forte en todos os sectores, e o noso non é unha excepción. Sen embargo, estamos tamén ante unha nova oportunidade. Unha oportunidade para impulsar organizacións sostibles, que poñan as persoas no centro dos seus modelos de xestión, que aposten pola diversidade e a integración, non so das persoas con discapacidade senón de todo tipo de colectivos minoritarios, que aposten pola dixitalización, a economía circular, a igualdade...

CEGASAL continua traballando como o ben facendo ata estes momentos, pasiño a pasiño, para fomentar o emprego de calidade das persoas con discapacidade e persoas en risco de inclusión social e para que toda a actividade económica, social e empresarial de Galicia poda medrar dun xeito máis sostible, xusto e equitativo.



José Antonio Vázquez Freire

Presidente de CEGASAL



II. Sobre CEGASAL

CEGASAL é unha asociación empresarial galega aglutinadora de centros especiais de emprego de iniciativa social (CEEIS) e/ou de asociacións de persoas con discapacidade. **O seu fin é a defensa, promoción e representación** desas entidades. A súa loita, á fin e ao cabo, é a do **emprego de calidade das persoas con discapacidade e persoas en situación de risco de exclusión social e a súa inclusión na actividade económica, social e empresarial de Galicia.**

CEGASAL nace no ano 1997 pola necesidade dun grupo de entidades do Terceiro Sector do movemento asociativo de persoas con discapacidade, de dar resposta ás necesidades de emprego do colectivo. Para o cal puxeron en marcha un conxunto de iniciativas empresariais de iniciativa social e emprendemento colectivo, baixo o amparo legal previsto na Lei de Integración Social das Persoas con Discapacidade, actualmente refundida xunto con outras normas que proclaman e protexen os dereitos das persoas con discapacidade, no Real Decreto legislativo 1/2013, de 29 de novembro, polo que se aproba o Texto Refundido da Lei Xeral de dereitos das persoas con discapacidade e da súa inclusión social.

Así, un grupo de cinco centros especiais de emprego decidiron constituír esta asociación empresarial.

Os CEE son un entorno laboral concibido e deseñado especificamente para as persoas con discapacidade, onde as funcións e tarefas desenvolvidas adecúanse a súa situación e necesidades. Os CEE deben contar nos seus cadros de persoal con, alo menos, un 70% de persoas empregadas con algunha discapacidade recoñecida.

O seu obxectivo principal é de realizar unha actividade produtiva de bens ou servizos, participando regularmente nas operacións do mercado e teñen como finalidade o asegurar un emprego remunerado para as persoas con discapacidade.

A finalidade dos centros especiais de emprego é asegurar un emprego remunerado para as persoas con discapacidade, á vez que ser un medio de inclusión do maior número de persoas no réxime de emprego ordinario. E esta finalidade alcázase mediante a realización no centro especial de emprego dunha actividade produtiva de bens ou servizos, participando regularmente nas operacións do mercado, a través da prestación de servizos de axuste persoal e social que requiran as persoas traballadoras con discapacidade do centro, segundo as súas circunstancias e características.

CEGASAL ten unha estrutura similar a de calquera asociación empresarial, pero as persoas integrantes responden á misión da organización.

CEGASAL conta con instalacións na rúa Modesto Brocos, nº 7 bloque 3 baixos, 15704 en Santiago de Compostela, cun despacho habilitado e equipamento informático, así como autorización de uso da liña telefónica, acceso a internet e unha centraliña compartida.

Entre as **funcións** que desenvolve CEGASAL atópanse:

- a negociación colectiva no sector.
- diálogo social.
- a participación institucional.
- a xestión económica ou a promoción empresarial.



Grafinco

A fortaleza de CEGASAL reside nas súas entidades asociadas. Na actualidade contamos con **32 entidades asociadas**, centros especiais de emprego e iniciativa social de cinco sectores diferenciados (servizos, restauración, medio ambiente, automoción e outros).

32

Entidades

As nosas entidades representan un total de **1.974 persoas traballadoras**, das cales **1.747 son persoas con discapacidade**. Do total de empregados/as das nosas entidades, **1.212 son homes** e **762 son mulleres**. Facendo unha análise por sexo dos empregados/as con discapacidade, **1.100 son homes** e **747 son mulleres**.



1.974 PERSOAS
TRABALLADORAS

37% MULLERES

63% HOMES

90% PERSOAS CON
DISCAPACIDADE


36% MULLERES

64% HOMES

Segundo os datos en posesión deste organismo, na comunidade autónoma galega existen, a xullo de 2020, un total de **110 empresas inscritas como CEE**. Tal e como se observa na Gráfica 1, 61 empresas son CEE ordinarios e 49 obtiveron, ademais, a cualificación de SAL, o que acredita que cumpran as tres condicións requiridas para isto e xa mencionadas: (1) que o patrimonio do centro, ten carácter de irrepatriable, excepto a favor de entidades da mesma tipoloxía; (2) que o titular do centro ten como finalidade primordial a integración de persoas con discapacidade en CEE; e (3) o reinvestimento dos posibles beneficios ou excedentes no propio CEE ou noutros que carezan de ánimo de lucro.

Observamos que do total de centros especiais de emprego rexistrados, 49 pertencen a entidades de iniciativa social, dos cales 32 pertencen a CEGASAL, case un 65% do total.

Gráfica 1 Centros Especiais de Emprego en Galicia



Atendendo á súa distribución polo territorio, é a provincia da Coruña a que conta cun maior censo de CEE -aportando o 50% do total- sendo tamén a provincia que concentra un maior número dos cualificados como SAL, pois o 70% contan con enderezo nesta provincia, concretamente 25 dos CEEis asociados a CEGASAL están ubicados na provincia da Coruña. En canto ao número de entidades inscritas, séguelle a provincia de Pontevedra con 3 CEEis asociados. No outro extremo, as provincias galegas con menor número de CEE son a de Ourense e Lugo que só conta con 2 asociados cada unha.

Se se analizan os centros de traballo, Galicia suma 140, o que significa que de media cada empresa conta con 1,27 centros de traballo na comunidade. A súa localización no territorio correspóndese case simetricamente co número de CEE por provincia.

Se atendemos os centros de traballo dos CEEs asociados a CEGASAL conta con 3 centros situados na provincia de Lugo, 6 centros situados na provincia de Ourense, 8 centros situados na provincia de Pontevedra e 38 situados na provincia da Coruña, polo tanto 55 centros de traballo en toda a autonomía.

Se se atende á data de inscrición no rexistro pódese indicar que Galicia conta cun censo de CEE novo, no que se observa que a meirande parte das organizacións ten unha antigüidade inferior a vinte anos, ao situarse o seu nacemento despois do ano 2000. Destaca o ano 2017 por ser o exercicio no que se inscribiron un maior número de empresas: un total de nove.

A finais do 2019, segundo datos da Consellería de Emprego, Traballo Autónomo e Economía Social, Galicia empregaba a un total de 3.569 persoas en CEE. Destas, 3.182 tiñan algunha discapacidade mentres que 387, non. Durante o 2020, os CEEs asociados a CEGASAL mantiveron o emprego de 1974 persoas, 1747 con discapacidade, o que supón un 53% das persoas traballadoras en CEE.

III. Asociados

ACCEDE SOCIAL

Servizos | Transporte

Centro especial de emprego sen ánimo de lucro de iniciativa social dedicado a ofrecer servizos de transporte adaptado, posibilitando a mobilidade de grupos de persoas con discapacidade ou en situación de dependencia.

Centros de traballo:

- Rep.Checa, 17 - Costa Vella, Santiago de Compostela, A Coruña
- Avenida de Toeira, nº 42 - Edificio Usos múltiples - Neda
- Hospital Rebullón, s/n Puxeiros, Mos, Pontevedra

ACTIVA SOCIAL ETT

Servizos | Emprego e colocación

Centro especial de emprego sen ánimo de lucro de iniciativa social de traballo temporal, que ofrece solucións de contratación temporal ás empresas de Galicia que buscan integrar persoas con discapacidade nos seus cadros de persoal.

Centros de traballo:

- Rúa Dublin,3, Baixo, Santiago de Compostela, A Coruña
- PTL Valadares, Centro de Negocios oficina 3-4, 36134 Vigo (Pontevedra).

AIXIÑA

Varios | Servicios sociosanitarios, restauración e talleres de montaxe

Centro especial de emprego sen ánimo de lucro de iniciativa social que realiza tres liñas de servizos diferenciados: prestación de servizos sociosanitarios, servizos de restauración en locais e a domicilio e talleres de montaxes.

Centros de traballo:

- c/Recaredo Paz, 1, (Finca sevilla), Ourense
- Praza Maior, 12, Ourense

AMBAR ACCIÓN SOCIAL

Servizos | Asistencia persoal

Centro especial de emprego sen ánimo de lucro de iniciativa social dedicado á organización, realización e xestión de servizos de asistencia persoal.

Centros de traballo:

- Lugar de granza, nº5 san Roque, Ribeira, (A Coruña)
- Rúa Castelao, 5 15940 A Pobra do Caramiñal

ANDAINA PRO SAÚDE MENTAL

Alimentación e restauración | Elaboración de sidra, zumes e pulpas naturais

Centro especial de emprego sen ánimo de lucro de iniciativa social que busca a inserción laboral de persoas con enfermidade mental residentes nas áreas rurais da comarca Ulla-Sar e a Mancomunidade de Ordes.

Centros de traballo:

- Lugar de Vigo,138, Dodro, A Coruña, CP:15981

ARTEGALIA

Varios | Loxística

Centro especial de emprego sen ánimo de lucro de iniciativa social dedicado á distribución especializada en mascarillas, embalaxes, roupa laboral, EPIS, produtos químicos, traballos de manipulación, empaquetados, etc.

Centros de traballo:

- C/Parroquia de Cortiñán, Parcela I-9 - Pol. Industrial de Bergondo
CP: 15165 Bergondo, A Coruña

ASOCIACIÓN COMPOSTELÁ DE AUTOTAXI

Servizos | Transporte

Centro especial de emprego sen ánimo de lucro de iniciativa social dedicado a proporcionar ás persoas usuarias servizos de transporte adaptado de taxi, a través da central de Radiotaxi na área de Santiago de Compostela.

Centros de traballo:

- Praza Camilo Díaz Valiño, s/n. Estación de autobuses, 15704, Santiago de Compostela

ASPAMADIS

Medio ambiente | Xardinería e limpeza

Centro especial de emprego sen ánimo de lucro de iniciativa social dedicado a actividades de xardinería e limpeza mediante a integración de persoas con discapacidade intelectual.

Centros de traballo:

- Ribeiriño, Nº8, 6ºI, Ourense

COMBINA SOCIAL

Servizos | Consultaría, benestar e auxiliares

Centro especial de emprego sen ánimo de lucro de iniciativa social dedicado á organización de servizos auxiliares para empresas como: recepción, limpeza, conserxería, control de accesos, loxística, procesos industriais e consultaría especializada en accesibilidade universal.

Centros de traballo:

- R/ Dublín, 3, Baixos - 15707 Santiago de Compostela
- Edificio Cadoiro Centro de Negocios - R/ Rep. Checa, 52 - P.E. Costa Vella - 15707 Santiago de Compostela

COREGAL

Medio ambiente | Xestión de residuos

Centro especial de emprego sen ánimo de lucro de iniciativa social fundado en 1994. Dedícase á xestión integral de residuos para a redución, reutilización, reciclaxe e valorización dos residuos non perigosos, minimizando o depósito en vertedoiros.

Centros de traballo:

- Rep. Checa, 17 - Costa Vella, Santiago de Compostela
- Polígono espiñeira, Parc. 28, Boiro, A Coruña
- C/. Titanio, D 5 - Pol. Bertoa, Carballo, A Coruña
- R/ Arrieiros, H1 PG. Rio do Pozo, Ferrol, A Coruña

DIXARDIN

Medio ambiente | Xardinería e paisaxismo

Centro especial de emprego sen ánimo de lucro de iniciativa social dedicado a servizos integrais de xardinería e paisaxismo.

Centros de traballo:

- LG. A Pedra - Nanton, Cabana de Bergantiños, A Coruña
- Lugar de Raíces, nº 1 - 15866 Ames, Santiago, A Coruña
- LG. A Robaleira-Abellería, Muros, A Coruña
- LG. Ponte do gato - Rendal, Arzúa, A Coruña

EMPREGO SOCIAL

Varios | Xardinería, limpeza e cerámica

Centro especial de emprego sen ánimo de lucro de iniciativa social vinculado á Asociación Prol Enfermos Mentais da Coruña que conta con catro liñas: xardinería, produción de plantas de tempada, limpeza viaria e de instalacións e modelaxe en cerámica.

Centros de traballo:

- Rúa das Rúas,3,Baixo Cambre, A Coruña

ERIT

Medio ambiente | Xardinería

Centro especial de emprego sen ánimo de lucro da Asociación Itinera, voluntarios en saúde mental, dedicado ao traballo de xardinería e mantemento de zonas verdes e dirixido á inserción laboral de persoas con trastornos mentais.

Centros de traballo:

- C/ República argentina, 22, 5º izq, Santiago de Compostela

GES

Servizos | Consultaría, benestar e auxiliares

Centro especial de emprego sen ánimo de lucro de iniciativa social dedicado á xestión empresarial e consultaría.

Centros de traballo:

- Rep.CHeCa, 17-P.E. Costa Vella, Santiago de Compostela, A Coruña

GRAFINCO

Varios | Servizos gráficos

Centro especial de emprego sen ánimo de lucro de iniciativa social dedicado ao deseño especializado e impresión cunha ampla gama de produtos gráficos sobre todo tipo de soportes.

Centros de traballo:

- Rúa da Luz, 4 - FINGOI, LUGO

HORNOS LAMASTELLE

Alimentación | Elaboración de empanadas e sobremesas

Centro especial de emprego sen ánimo de lucro de iniciativa social do sector da alimentación, dedícase á fabricación e distribución de empanada galega, Torta de Santiago e biscoitos.

Centros de traballo:

- Avd/ Rosaia de Castro, 12, A Coruña
- Establecemento de venda directa: R/ Juan Flórez, nº 134, A Coruña

I-LAB

Varios | Xoiería

Centro especial de emprego sen ánimo de lucro de iniciativa social dedicado á xoiería e artesanía galega ademais de realizar un servizo de transporte adaptado para persoas con mobilidade reducida.

Centros de traballo:

- C/ Rafael ALberti,10, Bajo, A Coruña 15008.

ILUNION RETAIL E COMERCIALIZACIÓN

Varios | Venda de prensa e outros

CEE especializado en tendas de prensa local, nacional e internacional, revistas de divulgación xeral e específica, libros e agasallos. Situadas en centros hospitalarios de España.

Centros de traballo:

- C/ Estrada San Pedro - Catabois s/n Ferrol A Coruña)
- C/ Meixoeiro, s/n, C.P. 36200 Vigo (Pontevedra)
- Estrada Clara Campoamor, 341, C.P. 36312 Vigo (Pontevedra)

ILUNION CEE OUTSOURCING, S.S

Varios | Servizos gráficos

Centro especial de emprego sen ánimo de lucro de iniciativa social dedicado ao deseño e xestión de proxectos de *outsourcing* en procesos intensivos en man de obra, implantando solucións innovadoras.

Centros de traballo:

- C/ José Luís Bugallal Marchesi, 9, C.P. 15008 A Coruña

ILUNION LAVANDERÍA

Servizos | Lavanderías industriais

Centro especial de emprego sen ánimo de lucro de iniciativa social dedicado á adquisición, tenencia, subministro, aluguer de todo tipo de roupa e lenzaría e a explotación comercial de lavanderías industriais, así como á promoción, dirección, xestión e administración de centros especiais de emprego, promoción laboral de persoas traballadoras con discapacidade, que teñan como obxecto principal a explotación comercial de lavanderías industriais.

Centros de traballo:

- C/ Vía Pasteur, 17 (P.I. Tambre), C.P. 15890 Santiago de Compostela (A Coruña)

ILUNION LIMPEZA E MEDIO AMBIENTE

Medio ambiente | Limpeza

CEEIS dedicado a executar plans globais para a limpeza de todo tipo de instalacións, entre as que destacan edificios e locais, hipermercados e grandes superficies, centros hospitalarios, centros educativos e instalacións deportivas, fábricas e grandes cadeas de montaxe. Infraestruturas do transporte: portos, aeroportos e ferrocarrís.

Centros de traballo:

- C/ José Luís Bugallal Marchesi, 9, C.P. 15008 A Coruña
- C/ San Roque, 31-33, Lugo
- C/ Alameda Do Cruceiro, 9, Ourense
- Gran vía, 16, Vigo

ILUNION SAÚDE

Varios | Ortopedia

Centro especial de emprego sen ánimo de lucro de iniciativa social dedicado á comercialización de produtos de apoio e ortopédicos, así como a elaboración e subministro de produtos de ortopedia técnica feitos a medida.

Centros de traballo:

- C/ Curramonte, 12, C.P. 15004, A Coruña
- Carretera de Catabois, 623, C.P. 15405 El Ferrol (A Coruña)

ILUNION SERVICIOS INDUSTRIAIS

Automoción | Loxística e ensamblado de pezas

Centro especial de emprego sen ánimo de lucro de iniciativa social do sector auxiliar da automoción dedicado á inxección de plásticos e forrado de compoñentes de vehículos.

Centros de traballo:

- Rúa 11, nave 6 esquerda Polígono Industria
- C.P. 32911 San Cibrao das Viñas (Ourense)
- Avda. Castilla-La Mancha, nº 11 (CABANILLAS DEL CAMPO)
Vigo

INSERTA EMPLEO

Servizos | Emprego e colocación

Centro especial de emprego sen ánimo de lucro de iniciativa social dedicado aos recursos humanos da Fundación ONCE.

Centros de traballo:

- Praza de Europa 15 A -2ª planta (CC Area Central) 15707 Santiago de Compostela
- C/ Gran Vía, 16, C.P. 36203 Vigo (Pontevedra)

INTEGRATEX

Varios | Têxtil e complementos

Centro especial de emprego sen ánimo de lucro de iniciativa social que consta de tres franquías de INDITEX que comercializan produto *outlet* (Massimo Dutti, TEMPE e Pull& Bear), xestionadas por persoas con discapacidade.

Centros de traballo:

- C/ Fonteyriña, 4, Allariz, Ourense
- C/ Fonteyriña, 5, Allariz, Ourense
- C/ Real, Nº 82 Ferrol, A Coruña

SERVILAR

Servizos | Limpeza, lavandería industrial e manipulados

Centro especial de emprego sen ánimo de lucro de iniciativa social promovido pola Fundación Lar que nace co obxectivo de empregar a persoas con Trastorno Mental Grave (TMG) (limpeza, lavandería industrial e manipulados).

Centros de traballo:

- Rúa Muíño novo, Nº3, Vilagarcía

MÁIS PORVIR XESTIÓN SOCIAL

Servizos sociosanitarios

Centro especial de emprego sen ánimo de lucro de iniciativa social con dúas liñas de actividade: servizos de atención socio sanitaria e servizos auxiliares a empresas e organizacións.

Centros de traballo:

- Centro de recursos de Nantón Lugar da Pedra, 30, Cabana de Bergantiños, A Coruña

PRODUTORES DE CARNE DA RIBEIRA SACRA

Alimentación e restauración | Producción e comercialización de carne e derivados

Centro especial de emprego sen ánimo de lucro de iniciativa social dedicado á cría de gando con venda por xunto dos produtos derivados, así como comercialización directa en carnicería propia.

Centros de traballo:

- Carretera de Currelos ,S/N,Monforte de Lemos, Lugo

TRAMEVE

Medio ambiente | Centro de tratamento de vehículos

Centro especial de emprego sen ánimo de lucro de iniciativa social cualificado como centro de tratamento de vehículos fóra de uso por sinistro ou fin de vida útil (C.A.T).

Centros de traballo:

- Vía La Cierva, 90 Pol. Tambre, Santiago de Compostela, A Coruña
- Avenida do Cruceiro da Coruña, 141 - A PULLEIRA - 15890 Santiago de Compostela

TRÉBORE XARDINERÍA

Medio ambiente | Xardinería

Xardinería tanto pública como privada, así como produción e cultivo de plantas ornamentais en maceta, para a comercialización no mercado almacenista.

Centros de traballo:

- Calle Curros Enríquez, 120, San Cosme de Maianca, Mera, Oleiros 15177; A Coruña
- Chan de Paisais. Aldea de Vigo Pol. Picaraña, 15980 Padrón, A Coruña

TALLERES TRÉBORE

Varios | Limpeza e agasallos de empresa

Ligado á Fundación Paideia dedicado a dúas áreas: servizo de mantemento e limpeza de edificios e deseño gráfico e agasallo de empresa.

Centros de traballo:

- Polígono de Pocomaco, Quinta Avenida Nº 91, 15190, A Coruña
- Rúa Riego de Agua nº 13-15 1º, 15001, A Coruña.

VIVEIROS VALADARES

Medio ambiente | Xardinería e viveiros

Centro especial de emprego sen ánimo de lucro de iniciativa social dedicado a servizos de xardinería. Tamén xestiona varios invernadoiros a través dos cales produce e comercializa plantas, arbustos e árbores.

Centros de traballo:

- Lamas de Castelo, Carnota, Lugar de Touzas, S/N, Valadares, Outes, A Coruña



Aspadamis

IV. OS NÓSOS SERVIZOS

INFORMACIÓN E ASESORAMENTO

Nas nosas oficinas, ofrecemos apoio ás iniciativas empresariais, así como desenvolvemos a actividade administrativa e técnica da entidade, facilitando asesoramento sobre axudas, lexislación, proxectos e atención de consultas. Accións concretas que desenvolvemos neste ámbito son:

- Informar e asesorar de xeito integral as persoas, entidades, centros especiais de emprego asociados e outros axentes que contactaron con Cegasal
- Mellorar a interrelación dos centros especiais de emprego asociados e o resto de axentes da contorna.
- Contribuír á proxección e posta en valor do sector da Economía Social na opinión pública, tanto a nivel social, empresarial como institucional, entre outros, a través dos medios de comunicación.
- Visibilizar e potenciar cadeas de valor responsable cos centros especiais de emprego de iniciativa social e emprendemento colectivo.
- Promover a responsabilidade social empresarial (creación da Rede Cegasal Inclúe)
- Fomentar a contratación de persoas con discapacidade, tanto no mercado protexido como na empresa ordinaria
- Realizar tarefas de representación institucional, diálogo social e potenciar a interlocución con axentes colaboradores.
- Promover a implementación da Axenda para o Emprego: Apoiar e colaborar na consecución dos obxectivos e retos previstos, como axente colaborador da mesma.
- Promover a implementación da Estratexia Galega de Discapacidade 2019-2021: Apoiar e colaborar na consecución dos obxectivos e retos previstos, como axente colaborador da mesma.
- Mellorar a empregabilidade das persoas con discapacidade e facilitar o seu acceso ao mercado laboral.
- Potenciar a relación e coordinación con redes que perseguen obxectivos semellantes, en distintos ámbitos.
- Asesoramento sobre os distintos aspectos da pandemia: normativa, prevención de riscos, axudas...

Durante o 2020, por mor da pandemia da Covid-19, dende CEGASAL centralizouse en diversas ocasións a xestión de compra e reparto de mascarillas cirúrxicas, FFP2 e de pantallas de protección, asumindo CEGASAL os gastos de distribución entre os seus asociados.

INTEGRACIÓN VERTICAL

Participamos en diferentes foros e entidades asociativas a nivel nacional e autonómico, o cal nos permite ter a capacidade de responder con maior rapidez ás necesidades das nosas entidades asociadas.

A nivel autonómico estamos presentes en:

- Confederación de Empresarios de Galicia.
- Círculo de Empresarios de Galicia.
- Rede Eusumo.
- Foro pola Economía Social Galega.
- CERMI Galicia

A nivel estatal estamos presentes en:

- AECEMCO. Asociación Empresarial de Centros Especiais de Emprego.
- FEACEM. Federación Empresarial de Asociacións de Centros Especiais de Emprego.

FORMACIÓN

Para dar resposta ás necesidades do sector na área de formación, organízanse accións específicas teórico-prácticas con metodoloxías adecuadas a cada grupo e contando cos mellores colaboradores.

Destaca o proxecto formativo **HORNEANDO FUTURO**, programa de formación para o emprego de persoas con trastorno mental e/ou depresión na industria alimentaria. Foi unha iniciativa que desenvolvemos en colaboración coa nosa entidade Hornos Lamastelle no que participaron **12 persoas con discapacidade** e que asistiron a **250 horas de formación**.

COLABORACIÓN EMPRESARIAL

Mediante a materialización de acordos ou actividades que melloran a competitividade dos centros especiais de emprego asociados, adoptamos distintos tipos de cooperación segundo o obxectivo económico ou social a alcanzar.

- Convenios de colaboración.
- Acordos de cooperación con provedores.
- Intercambios.

En 2020 firmamos dous novos convenios de colaboración Otsuka e LundBeck para un futuro proxecto de formación, con FEACEM, co ForoESgal e con APE Galicia.

PROXECTOS DE IMPACTO SOCIAL

Dende CEGASAL impulsamos proxectos en colaboración con entidades públicas e privadas para favorecer as condicións sociolaborais das persoas con discapacidade en Galicia.

OUTRAS ACTIVIDADES

1. Participación en grupos de traballo de organismos públicos. En concreto en:

- Consello Galego de Acción Voluntaria.
- Rede Eusumo.
- Consello Galego de Benestar Social.
- Consello Galego de Relacións Laborais.
- Consello da Economía Social de Galicia.
- Comisión de seguimento de reservas de contratos.

2. Entrega dos Premios CEGASAL á Mellor Información sobre Economía Social, sempre centrada nos centros especiais de emprego sen ánimo de lucro que conforman a asociación. En 2020 as persoas premiadas foron Santiago Riveiro (Correo Gallego) e Jaime Luis López Calviño (La Opinion), aínda que por mor da pandemia CEGASAL viuse obrigada a suspender a gala de entrega de premios prevista.



Santiago Riveiro (Correo Gallego)



Xaime Luis López Calviño (La Opinion)

3. **A realización dunha mostra fotográfica** que conta con 27 imaxes para dar unha maior visibilidade ao traballo cotián das persoas con discapacidade nos CEEIs. Esta mostra estivo exposta no Centro Cívico do Ensanche de Santiago de Compostela.



Aixiña

4. **Rolda institucional:** Durante este ano foron varias as xuntanzas integradas nesta rolda institucional, solicitouse xuntanza con todas as administracións galegas e expúxose o plan de actividades da entidade, así como ás peticións concretas do sector e se deu visibilización do mercado protexido naquelas nas Cegasal foi recibido. Por outra banda, buscouse entre as administracións aliados para o cumprimento da nova Lei 9/2017 de Contratos do Sector Público, na que finalmente se recolle a diferenza entre centros especiais con e de iniciativa social e emprendemento colectivo (teima de CEGASAL dende os seus inicios). Con motivo da xuntanza, documentación que foi entregada así como a guía de empresas que elabora Cegasal coa relación de centros especiais de emprego de iniciativa social e emprendemento colectivo asociados, a fin de potenciar a contratación reservada a este tipo de iniciativas empresariais.



Reunión co voceiro do BNG do concello da Coruña, Francisco Xesús Jorquera

5. **Participación nas actividades promovidas polo ForoEsgal, como entidade membro.** Neste senso, participamos no Encontro coa Ministra de Traballo e Economía Social e a Directora Xeral de Traballo Autónomo, Economía Social e Responsabilidade Social das Empresas, no marco dos encontros que o Ministerio estableceu cos territorios. Acto celebrado en Santiago de Compostela, onde participaron conselleiros das diferentes entidades representativas da economía social pertencentes o ForoESGAL.



Encontro coa Ministra de Traballo, Yolanda Diaz

CANAL RESPONSABLE

Dende marzo do 2020, CEGASAL conta cun Servicio de buzón de denuncias, unha ferramenta tecnolóxica ó servizo de todos, que permite una xestión sinxela, económica e automatizada do canal ético ou de denuncias que debe formar parte do Programa de Cumprimento Normativo das persoas xurídicas.

Tratase dun servizo personalizado mediante o que se pode administrar, en tempo real e de maneira moi simplificada, as denuncias, reclamacións ou suxerencias que se formulan a entidade como consecuencia da súa actividade, o que permite verificar o cumprimento da legalidade e previr delitos.

CEGASAL da acceso o seu canal de denuncias a través da súa páxina web.



Podemos ao teu dispor unha canle responsable de denuncias, queixas e reclamacións

O canal reconece a protección da identidade dos denunciante de boa fe, e garantiza a confidencialidade das informacións facilitadas que serán analizadas por órgano competente da entidade, encargado de velar, controlar e supervisar o incumprimento da normativa interna e externa de aplicación.

ACTIVIDADES PROMOCIONAIS

I. Novo vídeo corporativo.

Para CEGASAL é moi importante continuar dando visibilidade a discapacidade e os centros de emprego de iniciativa social, con tal fin, durante o 2020 publicouse un novo vídeo promocional.

[https://youtu.be/ bdSCuVQSLs](https://youtu.be/bdSCuVQSLs)



II. Campaña de comunicación

Contratouse unha campaña de comunicación para Cegasal ao longo do ano para dar maior visibilidade da organización e incidencia na opinión pública sobre o emprego das persoas con discapacidade, a economía social, a responsabilidade social empresarial, os centros especiais de emprego entre outras. Dita campaña que contribúe e complementa as tarefas de difusión que se realizan a nivel xeral pola organización, denominouse “Asesoramento en Comunicación para a promoción de centros especiais de emprego”, e foi concertada coa profesional Mar Bermúdez Pérez. Colexiada número 0779 del Colexio Profesional de Xornalistas de Galicia, que conta coa experiencia e traxectoria necesarias para garantir a maior eficacia.

A campaña buscaba o relanzamento e posicionamento estratéxicos nas materias propias como é o sector dos centros especiais de emprego de iniciativa social, o emprego das persoas con discapacidade, a economía social ou a responsabilidade social empresarial entre outras.

Incorporou durante os meses nos que estivo vixente os seguintes servizos: notas de prensa, entrevistas, reportaxes, roldas de prensa, atención personalizada aos medios, clipping dixital de medios, reforzo promocional en redes sociais e web, coordinación con gabinetes de comunicación e análise do impacto da actividade realizada.

III. Servizos profesionais de fotografía

Como complemento ás accións de visibilización no programa de promoción de centros especiais de emprego, concertamos con profesionais especializados a realización de reportaxes fotográficos para cubrir os eventos principais de Cegasal, así como cubrir as demandas de imaxe dos distintos centros asociados e dotalos de recursos gráficos, tanto para Cegasal como para os propios centros especiais de emprego para que poidan reutilizalos noutros formatos.

Cegasal utilizará estas imaxes a fin de conseguir maior impacto nas súas actividades, dar maior difusión e visibilizar aos centros asociados, e utilizará os mesmos nas ferramentas que poña a súa disposición, principalmente na páxina web e redes sociais, presentacións públicas, powerpoint internos, guía de empresas e noutros materiais que dispuxo adquirir.

Ditos servizos foron concertados co profesional Diego Silva Gómez, que conta cos coñecementos, habilidades e sensibilidade cara o mundo da discapacidade axeitados ás esixencias de Cegasal, evitando mensaxes paternalistas, asistencialistas e promovendo imaxes en positivo. A continuación, unha mostra das reportaxes fotográficas realizadas:



Ambar AS



Activa Social



Andaina PSM



Aspamadis



Ilunion Lavandería

V. REDE CEGASAL INCLÚE

A **REDE CEGASAL INCLÚE** é un punto de encontro e colaboración de empresas e entidades para as que as persoas con discapacidade atópanse entre os seus grupos de interese, é dicir, manteñen un compromiso con este colectivo na súa xestión, ben como empregadores e/ou compradores, provedores de produtos e servizos,...

A **REDE CEGASAL INCLÚE** nace para dar a coñecer boas prácticas e fomentar unha nova cultura empresarial inclusiva ue entende a diversidade como un activo xerador de valor social e económico. A **REDE CEGASAL INCLÚE** pretende visibilizar a empresas e entidades referentes en Galicia, responsables e comprometidas coa igualdade de oportunidades, que co seu bo facer contribúen ao cambio social e á participación das persoas con discapacidade no noso territorio.

Durante o 2020, tres novos empresarios uníronse o espazo de encontro e colaboración de empresas e entidades para as que as persoas con discapacidade se encontran entre os seus grupos de interese creado por CEGASAL no 2018.

20
Empresas



VI. ACTIVIDADES A PROL DA ECONOMÍA SOCIAL

ESTUDIO DE CENTROS ESPECIAIS DE EMPREGO E GALICIA

Cegasal elaborou un estudio sobre os centros especiais de emprego galegos, con e sen ánimo de lucro, que permitiu reunir información sobre esta fórmula

de emprego para as persoas con discapacidade, analizando as iniciativas constituídas e a documentación existente sobre as mesmas.

GUÍA DE REPORTE NON FINANCEIRO

Esta guía mostrou a importancia de integrar a discapacidade no contexto da sostibilidade, facilitar a comprensión dos diferentes estándares en materia de medición de impacto social e de reporting, achegar indicadores de impacto social vinculados á discapacidade para poder incluílos nos informes de impacto non financeiro dos CEE, servir de folla de ruta para elaborar memorias de sostibilidade e axudar a romper a barreira de comunicación entre as organizacións de mercado e as iniciativas sociais sen ánimo de lucro, a través da construción dunha linguaxe común baseada en termos de sostibilidade e reporting.



VII. O FOCO NA SOSTIBILIDADE

*En setembro de 2015, Nacións Unidas adoptou un conxunto de 17 obxectivos xerais e 169 metas para erradicar a pobreza, protexer o planeta e asegurar a prosperidade para todas as persoas, dentro da nova axenda de desenvolvemento sostible. Son os coñecidos como **Obxectivos de Desenvolvemento Sostible (ODS)**.*

Os ODS deben terse en conta para avanzar cara un futuro onde a rendibilidade das empresas vaia da man da sostibilidade social e ambiental. Esta ruta é común para todos os actores involucrados no desenvolvemento sostible, incluíndo gobernos, empresas privadas e sociedade civil.

En CEGASAL traballamos sobre a base do apoio mutuo, a responsabilidade social e a solidariedade. Todo isto nos leva a deseñar e executar proxectos para contribuír á construción e consolidación dunha economía inclusiva e sustentable.

Por tanto, somos conscientes da importancia de contribuír como entidade á consecución dos ODS. Por iso, na nosa memoria de actividades, para cada un dos capítulos, informamos da nosa contribución a determinadas metas concretas.

RELACIÓN COS NÓSOS GRUPOS DE INTERESE

Os grupos de interese son todas aquelas persoas ou grupos de persoas que ben son afectadas pola actividade que desenvolve CEGASAL ou que ben a afectan directamente. Por iso, consideramos imprescindible a participación de todos eles nas diferentes etapas da nosa xestión. Os nosos grupos de interese foron identificados nun obradoiro realizado coas entidades de CEGASAL no marco deste proxecto.

Somos conscientes de que non podemos crear valor de forma sostible e afrontar os retos e oportunidades que xorden na nosa contorna se non se teñen en conta as súas necesidades e expectativas.

En CEGASAL temos identificados oito grupos de interese, que están desagregados en diferentes niveis de interrelación.

Aministracións públicas

1. Xunta de Galicia

1. 1. Consellería de Economía, Emprego e Industria

- Secretaría Xeral de Emprego
- IGAPE

1. 2. Consellería de Política Social

- Dirección Xeral de Maiores e Persoas con Discapacidade

1. 3. Resto de consellerías

2. Concellos

3. Mancomunidades

4. Deputacións

5. Delegación do goberno

Tecido empresarial

1. Pemes

2. Grandes empresas

3. Rede CEGASAL INCLÚE

4. Círculos de empresarios

5. Cámaras de comercio

6. Confederacións de empresarios

7. Clientela dos asociados de CEGASAL

Diálogo social

1. Asociacións patronais

2. Sindicatos

Provedores

1. Entidades financeiras

2. Provedores de produtos/servizos

A familia da economía social

1. Foro da Economía Social de Galicia

2. Outras entidades da economía social galega

2. 1. Confrarías de pescadores

2. 2. Asociacións

2. 3. Mancomunidades de montes

2. 4. Fundacións

2. 5. Mutuas

2. 6. Sociedades agrarias de transformación

3. Entidades asociativas da economía social a nivel nacional

Entidades socias de CEGASAL e futuras socias

1. Entidades asociadas actuais
2. CEE de iniciativa social susceptibles de ser asociados de CEGASAL
3. Galega de Economía social

Equipo humano

Sociedade civil

1. Medios de comunicación
2. Persoas con discapacidade
3. Sociedade en xeral

As principais canles de comunicación cos nosos grupos de interese son a nosa páxina web, as redes sociais, as xuntanzas con entidades socias, a participación en reunións, foros, eventos... e, por suposto, esta primeira memoria de sostibilidade que nace co obxecto de render contas e ser transparente con todos estes colectivos que forman parte de CEGASAL.

CONEXIÓN

Creamos conexións coas nosas redes
sociais



TWITTER

@Cegasal_CEEIS
179 novos seguidores
Máis de 280 publicacións

FACEBOOK

<https://www.facebook.com/Cegasal>
423 novos seguidores
Máis de 280 publicacións



WEB

www.cegasal.com
Nova web
40.256 visitas

Dende CEGASAL traballamos para desenvolver proxectos vinculados aos aspectos materiais identificados como prioritarios para os centros especiais de emprego e os nosos grupos de interese. Estes aspectos, vinculados aos diferentes Obxectivos de Desenvolvemento Sostible son:



Ademais destes asuntos materiais prioritarios tamén desenvolvemos proxectos para contribuír a conseguir a igualdade de xénero, a mellorar a saúde das persoas con discapacidade e a reducir o noso impacto no planeta.



Enfócate
Branding



VIII. O NOSO MODELO DE GOBERNANZA



Meta 16.6. Somos unha organización que cumprimos con todas as esixencias en materia de transparencia impulsadas polo goberno central e autonómico.

GOBERNO CORPORATIVO

Os órganos de goberno constitúense arredor de dúas figuras, a Asemblea Xeral e a Xunta Directiva, así coma un órgano de control e supervisión. Este órgano está formado por organizacións sindicais e entidades promotoras dos CEEI.

A Xunta Directiva dirixe, goberna e administra a organización e está integrada por:

Presidente	José Antonio Vázquez Freire
Vicepresidente	Manuel Santos Lamas
Vicepresidenta 2	Menchu Iglesias Rey
Secretaria	Esther Blanco Araujo
Tesoureira	Silvia Alende Fandiño
Vogais	Bernaldo José Fernández Requeixo
	Rosa Gutiérrez Mougán
	Herminio Martínez Lago
	Ignacio Rodríguez Sáez

A Xunta Directiva de CEGASAL está composta por nove persoas, que contan cun asesor externo con voz pero sen voto. A composición é de un **60% de homes e un 40% de mulleres**. O **70% das persoas que a integran son persoas con discapacidade** fronte a un 30% que non posúen ningún tipo de discapacidade.

	XUNTA DIRECTIVA			
	Con Discapacidade		Sen Discapacidade	
	Home	Muller	Home	Muller
Menores de 25 anos	0%	0%	0%	0%
Entre 26 e 35 anos	0%	10%	0%	0%
Entre 36 e 45 anos	20%	10%	10%	10%
Entre 46 e 55 anos	0%	10%	0%	0%
Entre 56 e 65 anos	20%	0%	10%	0%



EQUIPO TÉCNICO:

CEGASAL somos unha entidade pequena que contamos con **2 persoas traballadoras**, o **100% mulleres** que, grazas a súa profesionalidade e bo facer, son as artífices de que a asociación pouco a pouco aglutine a máis centros especiais de emprego. É aí reside o noso potencial, o de transformar o mercado de traballo das persoas con discapacidade a través de fomentar os CEEis entre o tecido empresarial.

O convenio colectivo de CEGASAL é o de oficinas e despachos, algo que garante que as nosas traballadoras teñan os mesmos dereitos laborais que persoas que traballen noutras organizacións do mesmo sector.

O perfil do noso cadro de persoal é:

SEXO		DISCAPACIDADE		IDADE		LUGAR RESIDENCIA	
Home	0	Con Discapacidade	1	Entre 26 e 35 anos	1	Área urbana	1
Muller	2	Sen Discapacidade	1	Entre 36 e 45 anos	1	Área periurbana	1
Totais	2	Totais	2	Totais	2	Totais	2

O lugar de residencia é importante dende o punto de vista de accesibilidade das persoas con discapacidade. No noso caso, ao ser unha entidade pequena, todas as persoas traballadoras se desprazan en vehículo privado polo que a incidencia do lugar de residencia a nivel de mobilidade non ten gran incidencia.

CALIDADE NO EMPREGO

As persoas que traballan en CEGASAL perciben uns salarios dignos en base ao nivel de vida da nosa comunidade, moi superiores ao salario mínimo vixente por grupo profesional.

FORMACIÓN

Para CEGASAL é moi importante contribuír activamente ao desenvolvemento profesional do seu cadro de persoal. Durante o 2019 a traballadora de CEGASAL recibiu **290 horas de formación**, relacionadas con aspectos claves do seu posto de traballo:

- **Dirección de centros especiais de emprego.**
- **Internacionalización nas entidades de economía social.**
- **Responsabilidade social empresarial.**

IX. DOSSIER DE PRENSA

03-12-2020 · EL CORREO GALLEGO · [O BNG pide más sensibilidad cos colectivos con diversidade funcional](#)

02-12-2020 · EL CORREO GALLEGO · [Galicia limita el duro impacto del virus en la contratación de las personas con discapacidad](#)

01-12-2020 · EL CORREO GALLEGO · [Cegasal a la Valedora: no se cumple apenas la ley de contratación pública](#)

30-11-2020 · GC DIARIO · [Denuncian ante la valedora "escaso cumplimiento" de la ley de contratación pública para centros de iniciativa social](#)

30-11-2020 · GALICIA PRESS · [Denuncian ante la valedora "escaso cumplimiento" de la ley de contratación pública para centros de iniciativa social](#)

16-11-2020 · EL CORREO GALLEGO · [La economía social que empodera la UE es el medio de vida de cien mil gallegos](#)

27-10-2020 · EL CORREO GALLEGO · ["Hay que estar unidos, quién piense sólo en salvar lo suyo está muy equivocado"](#)

20-09-2020 · EL CORREO GALLEGO · [Premio Cegasal para Santi Riveiro, periodista de EL CORREO GALLEGO](#)

20-09-2020 · LA OPINIÓN · [Xaime Calviño, de LA OPINIÓN, galardonado con el Premio Cegasal](#)

20-09-2020 · LA VOZ DE GALICIA · [Cegasal otorga uno de sus premios al Concello carballés](#)

20-09-2020 · LA VOZ DE GALICIA · [La asociación Cegasal premia a la empresa Jealsa por su impulso a la economía social](#)

02-08-2020 · LA OPINIÓN · [Unas mentes maravillosas](#)

18-06-2020 · FARO DE VIGO · ["Ayuntamientos y diputaciones no cumplen la ley de contratos"](#)

18-06-2020 · DIARIO DE PONTEVEDRA · [Cegasal y APE Galicia firman un convenio de colaboración](#)

18-06-2020 · EL CORREO GALLEGO · [Convenio entre Cegasal y APE](#)

18-06-2020 · LA VOZ DE GALICIA · [Cegasal y APE Galicia colaborarán en la promoción del empleo y la formación](#)

13-05-2020 · EL CORREO GALLEGO · ["Aunque somos el eslabón más débil estamos unidos y no retrocederemos"](#)

CEGASAL